

宋
名
家
詞

樂章集

目錄

黃鸞兒

一調

鬪百花

三調

玉女搖仙珮

一調

雪梅香

一調

尾犯

一調

甘草子

二調

送征衣

一調

晝夜樂

二調

柳腰輕

一調

西江月

一調

傾盃樂

一調

笛家

一調

鶴沖天

調

迎新春

調

曲玉管

調

滿朝歡

調

傾盃樂

調

夢還京

調

鳳銜盃

調

鶴沖天

調

愛恩深

調

看花回

調

柳初新

調

兩同心

調

女冠子

調

玉樓春

調

金蕉葉

調

秋蕊香引

調

長相思

一調

尾犯

一調

玉樓春

四調

婆羅門令

一調

郭郎兒近拍

一調

西施

一調

駐馬聽

一調

雨霖鈴

一調

定風波

一調

尉遲盃

一調

慢卷紉

一調

征部樂

一調

佳人醉

一調

迷仙引

一調

街街行

二調

歸朝歡

一調

采蓮令

一調

秋夜月

一調

巫山一段雲

五調

傾盃樂

一調

法曲獻仙音

一調

西平樂

一調

蝶戀花

三調

永遇樂

二調

卜算子

一調

鵲橋仙

一調

浪淘沙慢

一調

夏雲峯

一調

荔枝香

一調

浪淘沙令

一調

破陣樂

一調

古傾盃

一調

雙聲子

一調

傾盃樂

一調

陽臺路

一調

內家嬌

一調

二郎神

一調

醉蓬萊

一調

宣清

一調

雨中花慢

一調

定風波

一調

訴衷情近

二調

畱客住

一調

迎春樂

一調

隔簾聽

一調

鳳歸雲

一調

拋毬樂

一調

集賢賓

一調

帶人嬌

調

息婦樂

調

應天長

調

合歡帶

調

少年遊

調

戚氏

調

輪臺子

調

引駕行

調

望遠行

調

彩雲歸

調

洞仙歌

調

離別難

調

擊梧桐

調

夜半樂

調

祭天神

調

過澗歇

調

安公子 一調

菊花新 一調

望漢月 一調

歸去來 一調

長壽樂 一調

燕歸梁 十調

透碧霄 一調

木蘭花慢 三調

臨江仙 二調

瑞鷓鴣 一調

憶帝京 一調

如魚水 一調

玉蝴蝶 五調

滿江紅 三調

洞仙歌 一調

引駕行 一調

望遠行

調

八聲甘州

調

臨江仙

調

竹馬子

調

望海潮

調

小鎮西

調

小鎮西犯

調

迷神引

調

促拍滿路花

調

六么令

調

剔銀燈

調

紅窗睡

調

臨江仙

調

鳳歸雲

調

女冠子

調

玉山枕

調

減字木蘭花 一調
玉樓春 一調

甘州令 一調
西施 一調

河轉 二調
傾盃 一調

傾盃 一調
塞孤 一調

瑞鷓鴣 二調
洞仙歌 一調

安公子 二調
玉樓春 三調

傾盃樂 一調
祭天神 一調

瑞鷓鴣 一調
訴衷情 一調

歸去來 一調

梁州令 一調

燕歸梁 一調

夜半樂 一調

清平樂 一調

迷神引 一調

樂章集目錄 終

樂章集

宋柳永

正宮

黃鶯兒

鶯詠

園林晴晝誰爲主
暖律潛催幽谷暄
和黃鸝翻
翩乍遷芳樹
觀露溼縷金衣
葉映如簧語
曉來
枝上綿蠻似把芳心
淡意低訴
無據乍出暖
煙來又趁遊蜂去
恐狂蹤跡兩兩相呼
終朝霧

吟風舞當上苑柳濃時別館花淡處此際海燕
偏饒都把韶光與

鬪百花

亦名
夏州

颯颯霜飄鴛瓦翠幙輕寒微透長門淡鎖悄悄
滿庭秋色將晚眼看菊蕊重陽淚落如珠長是
淹殘粉面鸞輅音塵遠無限幽恨寄情空殢
紈扇應是帝王當初怪妾辭輦陡頓令來宮中
第一妖嬈却道昭陽飛燕

又

煦色韶光明媚輕靄低籠芳樹池塘淺蘸煙蕪
簾幙閒垂風絮春困厭厭拋擲鬪草工夫冷落
踏青心緒終日扃朱戶遠恨綿綿淑景遲遲
難度年少傳粉依前醉眠何處深院無人黃昏
乍拆鞦韆空鎖滿庭花雨

又

滿榻宮腰纖細年紀方當筍歲剛被風流沾惹

與合垂楊雙髻初學嚴粧如描似削身材怯雨
羞雲情意舉措多嬌媚爭奈心性未會先憐
佳婿長是夜深不肯便入鴛被與解羅裳盈盈
背立銀釭却道你彈先睡

玉女搖仙珮

或入片玉集

飛瓊伴侶偶別珠宮未返神仙行綴取次梳粧
尋常言語有得許多姝麗擬把名花比恐傷人
笑我談何容易細思算奇葩豔卉惟是深紅淡

白而已爭如這多情占得人間千嬌百媚須
信華堂繡閣皓月清風忍把光陰輕棄自古及
今佳人才子少得當年雙美且恁相偎倚未消
得憐我多才多藝願奶奶蘭心蕙性枕前言下
表余深意爲盟誓今生斷不孤鴛被

雪梅香

景蕭索危樓獨立面晴空動悲秋情緒當時宋
玉應同漁市孤煙裊寒碧水村殘葉舞愁紅楚

天濶浪波斜陽千里溶溶
臨風想佳麗別後
愁顏鎮歛斜峯可憐當年頓乖雨跡雲蹤雅態
妍姿正歡洽落花流水忽西東無憀恨相思意
盡分付征鴻

尾犯

夜雨滴空堦孤館夢回情緒蕭索一片閒愁想丹
靑難貌秋漸老蛩聲正苦夜將闌燈花旋落最
無端處總把良宵抵恁孤眠却佳人應怪我

別後寡信輕諾記得當初剪香雲爲約甚時向
幽閨深處按新調流霞共酌再同歡笑肯把金
玉珠珍博

甘草子

秋算亂灑衰荷顆顆真珠雨雨過月華生冷徹
鴛鴦浦池上凭欄愁無似奈此箇單棲情緒
却傷金籠教鸚鵡念粉郎言語

又

秋盡葉剪紅綃砌菊避金粉雁字一行來還有
邊庭信飄散落花清風緊動翠幙曉寒猶嫩
中酒殘粧慵整頓惹兩眉離恨

中呂宮

送征衣

過昭陽璿樞電繞華渚虹流運應千載會昌罄
寰宇薦殊祥吾皇誕彌月瑤圖纘慶玉葉騰芳
竝景貺三靈眷祐挺英哲掩前王遇年年嘉節

清和頒率土稱觴 無間要荒華夏盡萬里走
梯航彤庭舜張太樂禹會羣芳鵷行趨上國山
呼鼇抃遙藝爐香竟就日瞻雲獻壽指南山等
無彊願巍巍寶曆鴻基齊天地遙長

晝夜樂

洞房記得初相遇便只合長相聚何期小會幽
歡變作別離情緒況值闌珊春色暮對滿目亂
花狂絮直恐好風光盡隨伊歸去 一場寂寞

憑誰訴算前言總輕負早知恁地難拚悔不當
初畱住其奈風流端正外更別有繫人心處一
日不思量也攢眉千度

又

聯妓

秀香家住桃花徑算神仙才堪竝層波細剪明
眸膩玉圓搓素頸愛把歌喉當筵逞遏天邊亂
雲愁凝言語似嬌鶯一聲聲堪聽洞房飲散
簾幰靜擁香衾歡心稱金爐麝裊青煙鳳帳燭

搖紅影無限。狂心藥酒興。這歡娛漸入嘉景。猶
自怨鄰雞。道秋宵不永。

柳腰輕

贈妓

英英妙舞腰肢軟。章臺柳。昭陽燕。錦衣冠蓋綺
堂筵。晏是處千金爭選。顧香砌。絲筦初調。倚輕
風。珮環微顫。乍入霓裳促遍。逞盈盈漸催檀
板。慢垂霞袖。急趨蓮步。進退奇容千變。笑何止
傾國。傾城暫回眸。萬人腸斷。

西江月

鳳額繡簾高捲獸鑲朱戶頻搖兩竿紅日上花
梢春睡厭厭難覺好夢狂隨風絮閒愁濃勝
香醪不成雨算與雲朝又是韶光過了

仙呂宮

傾盃樂

禁漏花深繡工日永薰風布暖變韶景都門十
二元宵三五銀蟾光滿連雲複道淩飛觀聳皇

居麗嘉氣瑞煙葱蒨翠華宵幸是處層城閬苑
龍鳳燭交光星漢對咫尺鼇山開雉扇會樂
府兩籀神仙梨園四部絃管向曉色都人未散
盈萬井山呼鼇抃願歲歲天仗裏常瞻鳳輦

笛家

花發西園草薰南陌韶光明媚乍晴輕暖清明
後水嬉舟動袂飲筵開銀塘似染金堤如繡是
處王孫幾多遊妓往往攜纖手遣離人對嘉景

觸目盡成感舊別久
帝城當日蘭堂夜燭百
萬呼盧盡閣春風十千沽酒未省宴處能忘絃
管醉裏不尋花柳豈知秦樓玉簫聲斷前事難
重偶空遺恨望仙鄉一餉淚沾襟袖

鶴沖天

黃金榜上偶失龍頭望明代暫遺賢如何向未
遂風雲便爭不恣遊狂蕩何須論得喪才子詞
人自是白衣卿相
煙花巷陌依約丹青屏障

幸有意中人堪尋訪且恁偎紅倚翠風流事平生
暢青春都一餉忍把浮名換了淺斟低唱

大石調

迎新春

嶰管變青律帝里陽和新布晴景回輕煦慶嘉
節當三五列華燈千門萬戶遍九陌羅綺香風
微度十里燃絳樹鼇山聳喧喧簫鼓漸天如水
素月當午香徑裏絕纓擲果無數更闌燭影花

陰下少年人往往奇遇太平時朝野多歡民康
阜堪隨分良聚對此爭忍獨醒歸去

曲玉管

隴首雲飛江邊日晚煙波滿目凭闌久一望關
河蕭索千里清秋忍凝眸杳杳神京盈盈仙子
別來錦字終難偶斷鴈無憑冉冉飛下汀洲思
悠悠暗想當初有多少幽歡佳會豈知聚散
難期翻成雨恨雲愁阻追遊悔登山臨水惹起

平生心事一場銷黯永日無言却下層樓

滿朝歡

花隔銅壺露晞金掌都門十二清曉帝里風光
爛熳偏愛春杪煙輕晝永引鶯嚀上林魚遊靈
沼巷陌乍晴香塵染惹垂楊芳草因念秦樓
彩鳳楚館朝雲往昔曾迷歌笑別來歲久偶憶
歡盟重到人面桃花未知何處但掩朱門悄悄
盡日竚立無言贏得淒涼懷抱

傾盃樂

皓月初圓暮雲飄散分明夜色如晴畫漸銷盡
醺醺殘酒危樓迥涼生襟袖追舊事一餉凭欄
久如何媚容艷態底死孤歡偶朝思暮想自家
空恁添情瘦算到頭誰與伸剖向道我別來爲
伊牽繫度歲經年偷眼覷也不忍覷花柳可憐
恁好景良宵未曾畧展雙眉暫開口問甚時與
妳深憐痛惜還依舊

夢還京

夜來囟囟飲散欹枕背燈睡酒力全輕醉魂易
醒風揭簾櫳夢斷披衣重起悄無寐 追悔當
初繡閣話別太容易日許時猶阻歸計甚况味
旅館虛度殘歲想嬌媚那裏獨守鴛幃靜永漏
迢迢也應暗同此意

鳳銜盃

有美瑤卿能染翰千里寄小詩長簡想初擘苔

牋旋揮翠管紅窗畔漸玉箸銀鈎滿
錦囊收犀軸捲常珍重小齊吟翫更寶若珠璣置之懷
袖時時看似頻見千嬌面

又

追悔當初辜深願經年價兩成幽怨任越水吳
山似屏如障堪遊翫奈獨自慵擡眼賞煙花
聽絃管圖歡笑轉加腸斷總時展丹青強拈書
信頻頻看又爭似親相見

鶴沖天

閒牕漏永月冷霜華墮悄悄下簾幙殘燈火再
三往事離魂亂愁腸鎖無語沉吟坐好天好景
未省展眉則箇從前早是多成破何況經歲
月相拋擲假使重相見還得似當初麼悔恨無
計那迢迢良夜自家只恁摧挫

愛恩深

雅致裝庭宇黃花開淡淨細香明艷盡天與助

秀色堪食向曉自有真珠露剛被金錢妒擬買
斷秋天容易獨步粉蝶無情蜂已去要上金
尊惟有詩人曾許待宴賞重陽恁時盡把芳心
吐陶令輕回顧免憔悴東籬冷煙寒雨

看花回

屈指勞生百歲期榮瘁相隨利牽名惹逡巡過
奈兩輪玉走金飛紅顏成白首極品何爲塵
事常多雅會稀忍不開眉畫堂歌管深深處難

忘酒盞花枝醉鄉風景好攜手同歸

又

玉城金堦舞舜干朝野多歡九衢三市風光麗
萬家急管繁絃鳳樓臨綺陌佳氣非煙雅俗
熙物態妍忍負芳年笑筵歌席連昏盡在旗亭
斗酒十千賞心何處好唯有尊前

柳初新

東郊向曉星杓亞報帝里春來也柳臺煙眼花

勻露臉漸覺綠嬌紅
妃妝點層臺芳樹運神功
丹青無價別有堯堊試罷新郎君成行如画
杏園風細桃花浪暖競喜羽遷鱗化遍九陌相
將遊冶驟香塵寶鞍嬌馬

雨同心

嫩臉修蛾澹勻輕掃最愛學宮體梳粧偏能效
文人談笑綺筵前舞宴歌雲別有輕妙飲散
玉爐煙裊洞房悄悄錦帳裏低語偏濃銀燭下

細看俱好箇人人昨夜分明許伊偕老

文

竚立東風斷魂南國花光媚春醉瓊樓蟾彩迥
夜遊香陌憶當時酒戀花迷役損詞客 別有
眼長腰搦痛憐深惜鴛鴦阻夕雨朝飛錦書斷
暮雲凝碧想別來好景良時也應相憶

女冠子

斷煙殘雨洒微涼生軒戶動清籟蕭蕭庭樹銀

河濃淡華星明滅輕雲時度莎堦寂靜無覩幽
蛩切切秋吟苦疎簾一徑流螢幾點飛來又去
對月臨風空恁無眠耿耿暗想舊日牽情處
綺羅叢裏有人人那回飲散略略曾諧鴛侶因
循忍便睽阻相思不得長相聚好天良夜無端
惹起千愁萬緒

玉樓春

昭華夜醺逢清曙金殿霓旌籠瑞霧九枝擎燭

燦繁星百和焚煙抽翠縷
香羅薦地延真馭
萬乘凝旒聽祕語百年無用考靈龜從此乾坤
齊曆數

又

鳳樓郁郁呈嘉瑞降聖覃恩延四裔醮壇清夜
洞天嚴公譙凌晨簫鼓沸
保生香勸椒香膩
延壽帶垂金縷細幾行鵷鷺望堯雲齊共南山
呼萬歲

又

皇都今夕知何夕特地風光盈綺陌金絲玉管
咽春空蠟炬蘭燈曉夜色鳳樓十二神仙宅
朱履三千鵷鷺客金吾不禁六街遊狂殺雲蹤
并雨跡

又

星闌上笏金章貴重委外臺疎近侍百常天閣
舊遺班九歲國儲新上計太倉日富中邦最

宣室夜思前席對歸心怡悅酒腸寬不泛千鍾
應未醉

又

閨風岐路連銀闕曾許金桃容易竊烏龍未睡
定驚猜鸚鵡多言防漏泄 忽忽縱得憐香雪
窓隔殘煙簾映月別來也擬不思量爭奈餘香
猶未歇

金蕉葉

厭厭夜飲平陽第添銀燭旋呼佳麗巧笑難禁
艷歌無間聲相繼準擬幕天席地金蕉葉泛
金波霽未更闌已盡狂醉袖中有箇風流暗向
燈光底惱徧兩行珠翠

秋藥香引

小石調

畱不得光陰催促奈芳蘭歇好花謝唯頃刻彩
雲易散璫璃脆驗前事端的風月夜幾處前
蹤舊跡忍思憶這回望斷永作終天隔向仙島

歸宴兩路無消息

林鍾商

長相思

畫鼓喧街蘭燈滿市皎月初照嚴城清都絳闕
夜景風傳銀箭露暖金莖巷陌縱橫過平康款
轡緩聽歌聲鳳燭熒熒那人家未掩香屏 向
羅綺叢中認得依稀舊日雅態輕盈嬌波豔冶
巧笑依然有意相迎墻頭馬上謾遲畱難寫深

誠又豈知名宦拘檢年來減盡風情

尾犯

晴煙幕幕漸東郊芳草染成輕碧野塘風暖遊
魚動觸冰嘶微坼幾行斷鴈旋次第歸霜磧詠
新詩手撚江梅故人贈我春色似此光陰催
逼念浮生不滿百雖照人軒冕潤屋金珠於身
何益一種芳心力圖利祿殆非長策除是恁點
檢笙歌訪尋羅綺消得

玉樓春

心娘自小能歌舞舉意動容皆濟楚
教天上念奴羞不怕掌中飛燕妬
玲瓏繡扇花藏語宛轉香茵雲襯步
王孫若擬贈千金只在畫樓東畔住

又

佳娘捧板花鈿簇唱出新聲群豔服
金鸞扇掩調累累文杏梁高塵款款
鸞吟鳳嘯清相續

管烈絃焦爭可逐何當夜召入連昌飛上九天
歌一曲

又

蟲娘舉措皆淹潤每到婆娑偏恃俊香檀敲緩
玉纖遲畫鼓聲喧蓮步緊貪爲顧盼誇風韻
往往曲終情未盡坐中年少暗銷魂爭問青鸞
家遠近

又

酥娘一搦腰肢裊回雪縈塵皆盡妙幾多狎客
看無厭一輩舞童功不到一星眸顧拍精神峭
羅袖迎風身段小而今長大懶婆娑只要千金
酬一笑

雙調

婆羅門令

昨宵裏恁和衣睡今宵裏又恁和衣睡小飲歸
來初更過醺醺醉中夜後何事還驚起霜天

冷風細細觸疎窗閃閃燈搖曳空牀展轉重追
想雲雨夢任歛枕難繼寸心萬緒咫尺千里好
景良天彼此空有相憐意未有相憐計

仙呂調

郭郎兒近拍

帝里閒居小曲深坊庭院沉沉朱戶閉新霽
景天氣薰風簾幙無人永晝厭厭如度歲愁瘁
枕簟微涼睡久轉轉慵起硯席塵生新詩小

闌等閑都盡廢這些兒寂寞情懷何事新來常
恁地

西施

柳街燈市好花多盡讓美孺娥萬嬌千媚的
在層波取次粧梳自有天然態愛淺画雙蛾
斷腸最是金閨客空憐愛奈伊何洞房咫尺無
計枉朝珂有意憐才每遇行雲處幸時恁相過

林鍾商

駐馬聽

鳳枕鴛帷二三載如魚似水相知良天好景深
憐多愛無非盡意依隨奈何伊恣性靈撻煞些
兒無事孜煎萬回千度怎免分離而今漸疎
漸遠漸覺雖悔難追謾恁寄消息終久奚爲也
擬重論繾綣爭奈翻復思維縱再會恐恩情難
似當時

雙調

雨霖鈴

秋別

寒蟬淒切對長亭晚驟雨初歇都門帳飲無緒
方畱戀處蘭舟催發執手相看淚眼竟無語凝
噎念去去千里煙波暮靄沉沉楚天濶多情
自古傷離別更那堪冷落清秋節今宵酒醒何
處楊柳岸曉風殘月此去經年應是良辰好景
虛設便總有千種風情更與何人說

定風波

竚立長堤澹蕩晚風起驟雨歇極目蕭疎柳萬
株掩映箭波千里走舟車向此人人奔名競利
念蕩子終日驅馳爭覺鄉關轉迢遞何意繡
閣輕拋錦字難逢等閒度歲奈泛泛旅迹厭厭
病緒近來語盡宦遊滋味此情懷總寫香牋憑
誰與寄算孟光爭得知我繼日添憔悴

尉遲盃

寵嘉麗算九衢紅粉皆難比天然嫩臉修蛾不

假施朱描翠盈盈秋水恣雅態欲語先嬌媚每
相逢月夕花朝自有憐才深意綢繆鳳枕鴛
被深深處瓊枝玉樹相倚困極歡餘芙蓉帳暖
別是惱人情味風流事難逢雙美況已斷香雲
爲盟誓且相將盡平生未肯輕分連理

慢卷紉

閑窗燭暗孤幃夜永欹枕難成寐細屈指尋思
舊事前歡都來未盡平生深意到得如今萬般

追悔空抵添憔悴對好景良宵皺著眉兒成甚
滋味紅茵翠被當時一一堪垂淚怎生得依
前似恁偎香倚暖抱著日高猶睡算得伊家也
應隨分煩惱心兒裏又爭似從前澹澹相看免
恁縈縈

征部樂

雅歡幽會良夜可憺虛拋擲追念狂蹤舊跡長
祇恁愁悶朝夕憑誰去花街覓細說與此中端

的道向我轉覺厭厭夢役勞魂苦相憶 須知
最有風前月下心事始終難得但願我蟲蟲心
下把人看待長似初相識況逢春色便是有舉
場消息待這回好好憐伊更不輕拆

佳人醉

算景蕭蕭雨霽雲澹天高風細正月華如水金
波銀漢湫湫無際冷侵書帷夢斷却披衣重起
臨軒砌 素光搖指因念翠眉音塵何處相望

同千里儘凝睇厭厭無寐漸曉雕檻獨倚

迷仙引

才過笄年初綰雲鬟便學歌舞席上尊前王孫
隨分相許算等閒酬一笑但千金惜覩常只恐
容易瞬華偷換光陰虛度已受君恩顧好與
花爲主萬里丹霄何妨攜手同去去永棄却煙
花伴侶免教人見妾朝雲暮雨

街街行

燔柴煙斷星河曙寶輦回

天端門羽衛簇雕欄

六樂舜韶先舉鶴書飛下雞竿高聳恩霑均寰

寓赤霜袍爛飄香霧喜色成春煦九儀三事

仰天顏八彩旋生睂宇椿齡無盡蘿圖有慶常

作乾坤主

又

前時小飲春庭院悔放笙歌散歸來中夜酒醺
醺惹起舊愁無限雖看墜樓換馬爭奈不是鴛

幃伴 朦朧俱妙暗花面欲夢還驚斷和衣擁
被不成眠一枕萬回千轉惟有西梁新來雙燕
徹曙聞長歎

歸朝歡

別岸扁舟三兩隻葭葦蕭蕭風淅淅沙汀宿鴈
破煙飛溪橋殘月和霜白淅淅分曙色路遙川
遠多行役往來人隻輪隻屨盡是利名客一
望鄉關煙水隔轉覺歸心生羽翼愁雲恨雨兩

縈牽新春殘蠟相催迫歲華都瞬息浪萍風梗
成何益玉樓深處有箇人相憶

采蓮令

月華收雲澹霜天曙西征客此時清苦翠娥執
手送臨岐軋軋開朱戶千嬌血盈盈竚立無言
有淚斷腸爭忍回顧一葉蘭舟便恁急槳凌波
去貪行色豈知離緒萬般方寸但飲恨脉脉同
誰語更回首重城不見寒江天外隱隱兩三煙

樹

秋夜月

當初聚散便喚作無由再逢伊面近日來不期
而會重歡宴向尊前閒暇裏歛著眉兒長歎惹
起舊愁無限盈盈淚眼謾向我耳邊作萬般
幽怨奈你自家心下事難見待音信真箇恁別
無縈絆不免收心共伊長遠

巫山一段雲

六六眞游洞三三物外天九口麟憶破非煙何
處按雲駟昨夜麻姑陪宴又話蓬萊清淺幾
回山脚弄雲濤髮髯見金鰲

又

琪樹羅三殿金龍抱九關上清真籙總群仙朝
拜五雲間昨夜紫薇詔下急喚天書使者令
賈瑤檢降雕霞重到漢皇家

又

清旦朝金井斜陽醉玉迤天風搖曳六銖衣鶴
背覺孤危貪看游蟾狂戲不道九關齊閉相
將何處寄良宵還去訪三茅

又

閨苑年華永嬉遊別是情人間三度見河清一
番碧桃成金母忍將輕摘畱宴鰲峯真客紅
旆閒臥吹斜陽方朔敢偷嘗

又

蕭氏賢夫婦茅家好弟兄羽輪飈駕赴層城高
會盡仙卿一曲雲謠爲壽倒盡金壺碧酒醺
酣爭撼白榆花踏碎九光霞

傾盃樂

散水調

木落霜洲鴈橫煙渚分明画出秋色暮雨乍歇
小檝夜泊宿葦村山驛何人月下臨風處起一
聲羌笛離愁萬緒聞岸草切切蛩吟如織爲憶
芳容別後水遙山遠何計憑鱗翼想繡閣深沉

爭知憔悴損天涯行客楚峽雲歸高陽人散寂
寞狂蹤望京國空目斷遠峯凝碧

小石調

法曲獻仙音

追想秦樓心事當年便約千飛比翼悔恨臨岐
處正攜手翻成雲雨離析念倚玉偎香前事慣
輕擲慣憐憐饒心性正厭厭多病柳腰花態
嬌無力早是乍清減別後忍教愁寂記取盟言

少孜煎剩好將息遇佳景臨風對月事須時恁
相憶

西平樂

盡日憑高寓目脉脉春情緒嘉景清明漸近時
節輕寒乍暖天氣才晴又雨煙光澹蕩裝點平
蕪遠樹黯凝竚臺榭好鶯燕語正是和風麗
日幾許繁紅嫩綠雅稱嬉遊去奈阻隔尋芳伴
侶秦樓鳳吹楚管雲約空帳望在何處寂寞韶

光度可堪向晚村落聲聲杜宇

蝶戀花

一刻六
一詞

簾下清歌簾外宴雖愛新聲不見如花面牙板
數敲珠一串梁塵暗落琉璃盞桐樹花聲孤
鳳怨漸遇遙天不放行雲散坐上少年聽未慣
玉山將倒腸先斷

又

一刻六
一詞

獨倚危樓風細細望極離愁黯黯生天際草色

山光殘照裏無人會得凭欄意也擬疎狂圖
一醉對酒當歌彊樂還無味衣帶漸寬終不悔
爲伊消得人憔悴

又

蜀錦地衣絲步障屈曲回廊靜夜閒尋訪玉砌
雕闌新月上朱扉半掩人相望旋暖燠爐溫
斗帳玉樹瓊枝迤邐相偎傍酒力漸濃春思蕩
鴛鴦繡被翻紅浪

歌行調

永遇樂

薰風解愠畫景晴和新霽時候火德流光羅圖
薦趾累慶金枝秀旋樞繞電華渚流虹是日挺
生元后續唐虞垂拱千載應期萬靈敷祐殊
方異域爭貢琛寶架獻杭波奔湊三殿稱觴九
儀就列韶濩鏘金奏藩侯瞻望彤庭親攜僚吏
竟歌元首祝堯齡北極齊尊南山共久

又

天閣英遊內朝密侍當世榮遇漢守分麾堯庭
請瑞方面憑心齊風馳千騎雲擁雙旌向曉洞
開嚴署擁朱旂喜色歡聲處處競歌來莫吳
王舊國今古江山秀異人煙繁富甘雨車行仁
風扇動雅稱安黎庶棠郊成政槐府登賢非久
定須歸去且乘閒暖閣長開融尊盛舉

卜算子

樂章集

十九

汲古閣

江楓漸老汀蕙半凋滿目敗紅衰翠楚客登臨
正是暮秋天氣引疎砧斷續殘陽裏對晚景傷
懷念遠新愁舊恨相繼脉脉入千里念兩處
風情萬重煙水雨歇天高望斷翠峯十二儘無
言誰會憑高意縱寫得離腸萬種奈歸雲誰寄

鵲橋仙

屆征途攜書劍迢迢匹馬東去慘離懷嗟少年
易分難聚佳人方恁繼繼便忍分鴛侶當媚景

算密意幽歡盡成輕負 且際寸腸萬緒慙愁
顏斷魂無語和淚眼片時幾番回顧傷心脉脉
誰訴但黯然凝竚算煙寒雨望秦樓何處

浪淘沙慢

夢覺透窗風一線寒燈吹息那堪酒醒又聞空
堦夜雨頻滴嗟因循久作天涯客負佳人幾許
盟言更忍把從前歡會陡頓翻成憂戚 愁極
再三追思洞房深處幾度飲散歌闌香暖鴛鴦

彼豈暫時疎散費尹心力帶雨尤雲有萬般千
種相憐憐到如今天長漏永無端自家疎隔如
何時却擁秦雲態願低幃昵枕輕輕細說與江
鄉夜夜數寒更思憶

夏雲峯

宴堂深軒楹雨輕壓暑氣低沉花洞彩舟泛竿
坐遶清潯楚臺風快湘簾冷永日披襟坐久覺
疎絃脆管時換新音越娥蕙態蘭心逞妖艷

昵歡邀寵難禁筵上笑歌間發舄屨交侵醉鄉
深處須盡興滿酌高吟向此免名韁利鎖虛費
光陰

荔枝香

甚處尋芳賞翠歸去晚緩步羅襪生塵來繞瓊
筵看金縷霞衣輕褪似覺春遊倦遙認衆裏盈
盈好身段擬回瞥又竚立簾幃畔素臉紅睂
時揭藍頭微見笑整金翹一點芳心在嬌眼王

係空恁腸斷

浪淘沙令

有一箇人人飛燕精神急
鏘環珮上華裯促盡
隨紅袖舉風柳腰身
菽菽輕裙妙盡尖新曲
終獨立歛香塵應是四肢嬌困也
眉黛雙顰

林鍾商

破陣樂

露花側影煙蕪蘸碧靈沼波暖金柳搖風木木

繫彩舫龍船遙岸千步虹橋參差瀉齒直趨水
殿遶金堤曼衍魚龍戲簇嬌春羅綺喧天絲管
霽色榮光望中似覩蓬萊清淺 時光鳳輦宸
遊鸞觴禊飲臨翠水開鎬宴兩兩輕舠飛画楫
競奪錦幘霞爛聲歡娛歌魚藻徘徊宛轉別有
盈盈遊女各明珠爭收翠羽相將歸去漸覺雲
海沉沉洞天日晚

古傾盃

凍冰消痕曉風生暖春滿東郊道遲遲淑景煙
和露偏潤長堤芳草斷鴻隱隱歸飛江天杳杳
遙山變色粧眉淡掃目極千里閒倚危檣迴眺
動幾許傷春懷抱念何處韶陽偏早想帝里
看名園芳榭爛熳鶯花好追思往昔年少繼日
恁把酒聽歌單金買笑別後暗負光陰多少

雙聲子

晚天蕭索斷蓬蹤跡藥興蘭棹東遊三吳風景

姑蘇臺榭牢落暮靄初收夫差舊國香徑沒徒
有荒丘繁華處悄無覩惟聞麋鹿呦呦想當
年空運籌決戰圖王取霸無休江山如画雲濤
煙浪翻輪范蠡扁舟驗前經舊史嗟謾載當日
風流斜陽暮草茫茫盡成萬古遡愁

傾盃樂

離讌慙勤蘭舟凝滯看看送行南浦情知道世
人難使皓月長畫彩雲鎮聚算人生悲莫悲於

輕別最苦正歡娛便分鴛侶淚滴瓊臉梨花一枝春帶雨慘黛別臨行猶自再三問道君須去頻耳畔低語知多少他日深盟平生丹素從此盡把憑鱗羽

陽臺路

楚天晚墜冷風敗葉疎紅零亂冒征塵匹馬區區愁見水遙山遠追念平時正恁鳳幃倚香偎暖嬉遊慣又豈知前歡雲雨分歡此際空勞

回首望帝里難收淚眼算煙衰艸算暗鎖路岐
無限今宵又依前寄宿甚處葦村山館寒燈半
夜厭厭憑何消遣

內家嬌

媚景朝升煙光圓歛疎雨夜來新霽垂楊艷杏
絲軟霞輕繡出芳郊明媚處處踏青鬪艸人人
餽紅倚翠奈少年自有新愁舊恨消遣無計

帝里風光當此際正好恁攜佳麗阻歸程迢遞

奈向好景難留舊歡頻弃早是傷春情緒那堪
困人天氣但贏得立高原斷腸一餉凝睇

二郎神

炎光謝過暮雨芳塵輕灑乍露冷風清庭戶爽
天如水玉鈎遙掛應是星娥嗟久阻叙舊約颺
輪欲駕極目處微雲暗度耿耿銀河高瀉閒
雅須知此景古今無價運巧思穿針樓上女擡
粉面雲鬟相亞鈿合金釵私語處算誰在回廊

影下願天上人間占得歡娛年年今夜

醉蓬萊

慶老人
星現

漸亭臯葉下隴首雲飛素秋新霽華闕中天鎖
葱葱嘉氣嫩菊黃深拒霜紅淺近寶堦香砌玉
宇無塵金莖有露碧天如水 正值昇平萬機
多暇夜色澄鮮漏聲迢遞南極星中有老人呈
瑞此際宸遊鳳輦何處度管絃清脆太液波翻
披香簾捲月明風細

宣清

殘月朦朧小宴闌珊歸來輕寒森森背銀缸孤
館乍眠擁重衾醉魄猶噤永漏頻傳前歡已去
離愁一枕暗尋思舊追遊神京風物如錦念
擲果朋儕絕纓宴會當時曾痛飲命舞燕翻翻
鳳樓鴛寢玉釵亂橫信任散盡高陽這歡娛甚
時重恁

雨中花慢

墜髻慵梳愁蛾懶画心緒是事闌珊覺新來憔悴金縷衣寬認得這疎狂意下向人誚譬如閒把芳容陡頓恁地輕孤爭忍心安 依前過了舊約甚當初賺我偷剪香鬟幾時得歸來香閣深關待伊要尤雲殢雨纏鴛衾不與同歡儘更深欸欸問伊今後更散無端

定風波

自春來慘綠愁紅芳心是事可可日上花梢鶯

穿柳帶猶壓香衾臥暖酥銷膩雲彈終日厭厭
倦梳裝無那恨薄情一去音書無箇早知恁
般麼悔當初不把雕鞍鎖向雞窗只與鸞牋象
管拘束教吟咏鎮相隨莫拋朶針線閒拈伴伊
坐和我免使少年光陰虛過

訴衷情近

雨晴氣爽蟬立江樓望處澄明遠水生光重疊
暮山聳翠遙想斷橋幽徑隱隱漁村向晚孤煙

起 殘陽裏脉脉朱闌靜倚黯然情緒未飲先
如醉愁無際暮雲過了秋風老盡故人千里竟
日空凝睇

又

幽閨晝永漸入清和氣序榆錢飄滿閒堦蓮葉
嫩生翠沼遙望水邊幽徑山崦孤村是處園林
好 閒情悄綺陌遊人漸少少年風韻自覺隨
春老追先好帝城信阻天涯目斷暮雲芳艸竚

立空殘照

畱客住

偶登眺凭小樓艷陽時節乍晴天氣是處閒花
芳艸遙山萬疊雲散漲海千里潮平波浩渺煙
村院落是誰家綠樹數聲啼鳥旅情悄遠信
沉沉離魂杳杳對景傷懷度日無言誰表惆悵
舊歡何處後約難憑看看春又老盈盈淚眼望
倦鄉隱隱斷霞殘照

迎春樂

近來憔悴人驚怪爲別相思
照我前生負你愁
煩債便苦恁難開解
良夜永牽情無計錦被
裏餘香猶在怎得依前
燈下恣意憐嬌態

隔簾聽

咫尺鳳衾鴛帳欲去無因
到蝦鬚窰地重門悄
認繡履頻移洞房杳杳
強語笑還如簧再三輕
巧梳妝早
琵琶閒抱愛品相思
調聲聲似把

芳心告隔簾贏得斷腸多少恁煩惱除非共伊知道

鳳歸雲

戀帝里金谷園林平康巷陌觸處繁華連日疎狂未嘗輕負寸心雙眼況佳人盡天外行雲堂上飛燕向玳筵一一皆妙選長是因酒沉迷被花縈絆更可憐淑景亭臺暑天枕簟霜月夜雪霰朝飛一歲風光盡堪隨分俊遊清宴算浮

生事瞬息光陰銷銖名宦正歡笑試恁暫分散
卽是恨雨愁雲地遙天遠

拋毬樂

曉來天氣濃淡微雨輕灑近清明風絮巷陌煙
草池塘盡堪圖画豔杏暖妝臉勻開弱柳困宮
腰低亞是處艷質盈盈巧笑嬉嬉爭簇鞦韆架
戲綵毬羅綬金雞芥羽少年馳騁芳郊綠野占
斷五陵遊奏脆管繁絃聲和雅向名園深處爭

泥面輪競羈寶馬 取次羅列杯盤就芳樹綠
影紅陰下舞婆娑歌宛轉髮髩鬢嬌燕姁寸珠
片玉爭似濃歡無價任他美酒十千一斗飲竭
仍解金貂貫恣幕天席地陶陶盡醉太平且樂
唐虞景化須信豔陽天看未足已覺鶯花謝對
綠蟻翠娥怎生輕捨

集賢賓

小樓深巷狂遊徧羅綺成叢就中堪人屬意最

是蟲蟲有画難描雅態無花可比芳容幾回飲
散良宵永鴛衾鳳枕香濃算得人間天上惟有
兩心同 近來雲雨每西東
銷惱慣情悰縱然
偷期暗會長似忽忽爭似和鳴諧老免教歛翠
啼紅眼前時暫疎歡宴盟言在更莫忡忡待作
眞箇宅院方信有初終

殢人嬌

當日相逢便有憐才深意歌筵罷偶同鴛被別

來光景看看經歲昨夜裏方把舊歡重繼曉
月將沉征驂已韞愁腸亂又還分袂良辰美景
恨浮名牽繫無分得與妳恣情睡睡

思歸樂

天幕清和堪宴聚相得盡高陽儔侶皓齒善歌
長袖舞漸引入醉鄉深處晚歲光陰能幾許
這巧宦不須多取笑君把酒勸杜宇再三喚人
歸去

應天長

殘蟬聲漸絕。傷碧砌、修梧敗葉微脫。風露淒清，
正是登高時節。東籬霜乍結。綻金蕊、香堪折。
聚宴處、落帽風流，未饒前哲。把酒與君說。恁
好景佳辰，怎忍虛設。休效牛山空對。江天凝咽。
塵勞無暫歇。遇良會、剩偷歡悅。歌未闕。盃興方
濃，莫便中輟。

合歡帶

身材兒早是妖嬈，算掄掄實難描。一箇肌膚，
似玉更都來，占了千嬌。妍歌豔舞，罵慚巧舌，柳
如纖腰。自相逢，便覺韓娥價減，飛燕聲銷。桃
花零落，溪水潺湲，重尋仙徑非遙。莫道千金酬
一笑，便明珠萬斛，須邀檀郎幸有。凌雲詞賦，擲
果風標。況當年便好，相攜鳳樓深處，吹簫。

少年遊

長安古道馬遲遲，高柳飜蟬嘶。夕陽島外，秋風

原上目斷四天垂
歸雲一去無踪跡
何處是
前期狎興生疎酒
徒蕭索不似少年時

又

參差煙樹霸陵橋
風物盡前朝
衰楊古柳幾經
攀折憔悴楚宮腰
夕陽閒淡秋光老
離思滿
蘅臯一曲陽關斷
腸聲盡獨自上蘭橈

又

層波瀲灩遠山橫
一笑一傾城
酒容紅嫩歌喉

清麗百媚坐中生
墻頭馬上初相見不準擬
恁多情昨夜盃闌洞房深處特地快逢迎

又

世間尤物意中人輕細好腰身香幃睡起發妝
酒醺紅臉杏花春嬌多愛把齊紈扇和笑掩
朱唇心性溫柔品流詳雅不稱在風塵

又

淡黃衫子鬱金裙長憶箇人人文談閒雅歌喉

清麗舉措好精神
當初爲倚深深寵
無箇事
愛嬌嗔
想得別來舊家模樣
只恁翠蛾顰

又

鈴齋無訟宴遊頻
羅綺簇簪纓
施朱傅粉豐肌
清骨容態盡天真
歌裊舞扇花光裏
翻回雪
駐行雲
綺席闌珊鳳燈明滅
誰是意中人

又

簾垂深院冷蕭蕭
花外漏聲遙
青燈未滅紅窗

閒臥魂夢去迢迢
薄情設有歸消息
鴛鴦被半香銷
試問伊家阿誰心
緒禁得恁無憀

又

一生贏得淒涼
追前事暗心傷
好天良夜深屏
香被爭忍便相忘
王孫動是經年去
貪迷戀有何長
萬種千般把伊情
分顛倒盡猜量

又

日高花榭懶梳頭
無語倚妝樓
修眉歛黛遙山

橫翠相對結春愁
王孫走馬長秋陌
貪迷戀
少年遊似恁疎狂
費人拘管
爭似不風流

又

佳人巧笑值千金
當日偶情深
幾回飲散燈殘
香暖好事盡鴛衾
如今萬水千山阻
魂杳杳
信沉沉
孤棹煙波小樓風月兩處一般心

中呂調

戚氏

樂章集

汲古閣

晚秋天一霎微雨灑庭軒
檻菊蕭疎井梧零亂
惹殘煙淒然整鄉關
飛雲黯淡夕陽間
當時宋玉悲感向此臨水與登山
遠道迢遞行人淒楚
倦聽隴水潺湲正蟬吟敗葉蛩響衰草相應喧
喧孤館度日如年風露漸變悄悄至更闌長
天靜絳河清淺皓月輝娟
思綿綿夜永對景那堪屈指
暗想從前未名未祿綺陌紅樓往經歲
遷延帝里風光好當年少日
算宴朝歡況有

狂朋怪侶遇當歌對酒競畱連別來迅景如梭
舊遊似夢裏水程何限念利名憔悴長縈絆追
往事空慘愁顏漏箭移稍覺輕寒聽鳴咽画角
數聲殘對閒窗畔停燈向曉抱影無眠

輪臺子

一枕清宵好夢可惜被鄰雞喚覺忽忽策馬登
途滿目淡煙衰艸前驅風觸鳴珂過霜林漸覺
驚棲鳥冒征塵遠況自古淒涼長安道行行

又歷孤村楚天濶
望中未曉念勞生
惜芳年壯歲離多歡少
歎斷梗難停算雲漸杳
但黯黯銷魂寸腸憑誰表
恁驅驅何時是了又爭似却返瑤京重買千金笑

引駕行

虹收殘雨蟬嘶敗柳長堤
算背都門動銷黯西風片帆輕舉
愁覩泛画鷁翩翩靈鼉隱隱下前浦
忍回首佳人漸遠想高城隔煙樹幾許秦

樓永晝謝閣連宵奇遇算贈笑千金酬歌百琲
盡成輕負南顧念吳邦越國風煙蕭索在何處
獨自箇千山萬水指天涯去

望遠行

繡幃睡起殘粧淺無緒勻紅鋪翠藻井凝塵金
堦鋪蘚寂寞鳳樓十二風絮紛紛煙蕪冉冉永
日画欄沉吟獨倚望遠行南陌春殘悄歸騎
凝睇消遣離愁無計但暗擲金釵買醉好景空

飲香醪爭奈轉添珠淚待伊遊冶歸來故故解
放翠羽輕裙重繫見纖腰圖信人憔悴

彩雲歸

蘅皋向晚艤輕航卸雲帆水驛魚鄉當暮天霽
色如晴畫江練靜皎月飛光那堪聽遠村羌管
引離人斷腸此際浪萍風梗度歲茫茫堪傷
朝歡暮散被多情賦與淒涼別來最苦襟袖依
約尚有餘香算得伊鴛衾鳳枕夜永爭不思量

牽情處惟有臨岐一句難忘

洞仙歌

佳景畱心慣況年少彼此風情非淺有笙歌巷
陌綺羅庭院傾城巧笑如花面恣雅態明眸回
美盼同心綰算國豔仙材翻恨相逢晚繾綣

洞房悄悄繡被重重夜永歡餘笑有海約山盟
記得翠雲儉剪和鳴彩鳳于飛燕間柳徑花陰
攜手徧情眷戀向其間密約輕憐事何限忍聚

散況已結深深願願人間天上暮雲朝雨長相
見

離別難

花謝水流倏忽嗟年少光陰有天然蕙質蘭心
美韶容何啻值千金便因甚翠弱紅衰纏綿香
體都不勝任算神仙五色靈丹無驗中路委瓶
簪 人悄悄夜沉沉閉香闌永棄鴛衾想嬌魂
媚魄非遠總洪都方士也難尋最苦是好景良

天尊前歌笑空想遺音望斷處杳杳巫峰十二
千古算雲深

擊梧桐

香靨深深姿媚媚雅格奇容天與自識來來
便好看伊會得妖嬈心素臨岐再約同歡定是
都把平生相許又恐恩情易破難成未免千般
思慮近日書來寒暄而已苦沒怱怱言語便
認得聽人教當擬把前言輕負見說蘭臺宋玉

多才多藝善詞賦試與問朝朝暮暮行雲何處
去

夜半樂

凍雲黯淡天氣扁舟一葉乘興離江渚渡萬壑
千巖越溪深處怒濤漸息焦風乍起更聞商旅
相呼片帆高舉泛西鷁翩翩過南浦望中酒旆
閃閃一簇煙村數行霜樹殘日下漁人鳴榔歸
去敗荷零落衰楊掩映岸邊兩兩三三浣紗遊

女避行客含羞相笑語
到此因念繡閣輕拋
浪萍難駐後約丁寧竟何據
慘離懷空恨歲晚
歸期阻凝淚眼杳杳神京路
斷鴻聲遠長天暮

祭天神

歎笑筵歌席輕拋鞦韆背孤城幾舍煙村停画舸
更深釣叟歸來數點殘燈火被連綿宿酒醺醺
愁無那寂寞擁重衾臥又聞得行客扁舟過
蓬窗近蘭棹急好夢還驚破念平生單栖蹤跡

多感情懷到此厭厭向曉披衣坐

過澗歇

淮楚曠望極千里火雲燒空盡日西郊無雨厭
行旅數幅輕帆漸落艤棹蒹葭浦避畏景兩兩
舟人夜深語此際爭可便恁奔名競利去九
衢塵裏衣冠冒炎暑回首江鄉月觀風亭水邊
石上幸有散髮披襟處

中呂調

安公子

長川波瀲灩楚鄉淮岸迢遞一霎煙汀雨過芳
艸青如染驅驅攜書劍當此好天好景自覺多
愁多病行役心情厭望處曠野沉沉暮雲黯
黯行侵夜色又是急槳投村店認去程將近舟
子相呼遙指漁燈一點

菊花新

欲掩香幃論繾綣先歛雙蛾愁夜短催促少年

郎先去睡鴛衾獨暖
須臾放了殘針線脫羅
裳恣情無限畱著帳前燈時時待看伊嬌面

平調

望漢月

明月明月明月何事乍圓還缺恰如年少洞房
人歡會依前離別小樓凭檻處正是去年時
節千里清光又依舊奈夜永厭厭人絕

歸去來

初過元宵三五慵困春情緒燈月闌珊嬉遊處
遊人盡厭歡聚憑仗如花女持盃謝酒朋詩
侶餘醒更不禁香醪歌筵舞且歸去

長壽樂

尤紅帶翠近日來陡把狂心牽繫羅綺叢中笙
歌筵上有箇人人可意解嚴粧巧笑次姿則成
嬌媚知幾度密約秦樓盡醉仍攜手眷戀香衾
繡被情漸美算好把夕雨朝雲相繼便是仙

樂章集

五十一

汲古閣

禁春深御爐香裊臨軒親試對

燕歸梁

織錦裁篇寫意深字值千金一回披翫一愁吟
腸成結淚盈襟幽歡已散前期遠無聊賴是
而今密憑歸燕寄芳音恐冷落舊時心

南呂調

透碧霄

月華邊萬年芳樹起祥煙帝居壯麗皇家熙盛

寶運當千端門清晝觚稜照日雙闕中天太平
時朝夜多歡徧錦街香陌鈞天歌吹閨苑神仙
管觀光得意狂遊風景再覩更精妍傷柳陰
尋花徑空恁鞦韆垂鞭樂遊雅戲平康豔質應
也依然仗何人多謝嬋娟道宦途蹤跡歌酒情
懷不似當年

木蘭花慢

倚危樓竚立乍蕭索晚晴初漸素景衰殘風砧

韻冷霜樹紅疎雲衢見新雁過奈佳人自別阻
音書空遣悲秋念遠寸腸萬恨縈紆 皇都暗
想歡遊成往事動欷歔念對酒當歌低幃竝枕
翻恁輕孤歸途縱凝望處但斜陽暮靄滿平蕪
贏得無言悄悄凭闌盡日踟躕

又

明

折桐花爛熳乍疎雨洗清明正焰杏燒林細桃
繡野芳景如屏傾城盡尋勝去驟雕鞍紺幘出

郊垌風暖繁絃翠管萬家競奏新聲 盈盈鬪
草踏青人豔冶遞逢迎向路傷往往遺簪墮珥
珠翠縱橫歡情對佳麗地信金罍罄竭玉山傾
拚却明朝永日画堂一枕春醒

又

古繁華茂苑是當日帝王州詠人物鮮明土風
細膩曾美詩流尋幽近香徑處聚蓮娃釣叟簇
汀洲晴景吳波練靜萬家綠水朱樓 凝眸乃

瞻東南息其理命賢侯繼是待文章樂天惠愛
布政優優鼈頭況虛位久遇名都勝景且淹留
贏得蘭堂醞酒西船攜妓歡遊

臨江仙

渡口向晚藥瘦馬陟崇岡西郊又送秋光對算
山橫翠襯殘葉飄黃憑高念遠素景楚天無處
不淒涼香闌別來無信息雲愁雨恨難忘指
帝城歸路但煙水茫茫凝情望斷淚眼盡日獨

立斜陽

又

上國去客停飛蓋促離筵長安古道綿綿見岸
花啼露對堤柳愁煙物情人意向此觸目無處
不凄然醉擁征驂擱竚立盈盈淚眼相看況
繡幃人靜更山館春寒今宵怎向漏永頓成兩
處孤眠

瑞鷓鴣

寶髻瑤簪嚴妝巧天然綠媚紅深綺羅叢裏獨
遲謳吟一曲陽春定價何啻值千金傾聽處王
孫帝子鶴蓋成陰凝態掩霞襟動象板聲聲
怨思難任嚟曉處回壓絃管低沉時恁迴昨歛
黛空役五陵心須信道緣情寄意別有知音

憶帝京

薄衾小枕涼天氣乍覺別離滋味展轉數寒更
起了還重睡畢竟不成眠一夜長如歲也擬

把却回征轡又爭奈已成行計萬種思量多方
開解只恁寂寞厭厭地繫我一生心負你千行
淚

仙呂調

如魚水

輕靄浮空亂峯倒影湫澗十里銀塘繞岸垂楊
紅樓朱閣相望菱荷香雙雙戲灘鴻鴛鴦乍雨
過蘭芷汀洲望中依約似瀟湘風淡淡水茫茫

樂章集

五十五

汲古閣

茫動一片晴光
画舫相將盈盈紅粉
清商紫薇郎修禊飲
且樂仙鄉便歸去
徧歷蠻坡鳳沼此
景也難忘

玉蝴蝶

秋思

望處雨收雲斷
凭闌悄悄目送秋光
晚景蕭疎堪動宋玉
悲涼水風輕蘋花漸
老月露冷梧葉飄黃
遣情傷故人何在煙
水茫茫難忘文期
酒會幾辜風月
屢變星霜海濶山遙
未知何處

是瀟湘念雙燕難憑遠信指算天空識歸艤黯
相望斷鴻聲裏立盡斜陽

又

春遊

漸覺芳郊明媚夜來膏雨一灑塵埃滿目淺桃
深杏露染煙裁銀塘靜魚鱗簾展煙岫翠龜甲
屏開殷晴雷雲中鼓吹遊徧蓬萊徘徊隼旟
前後三千珠履十二金釵雅俗熙熙下車成宴
盡春臺好雍容東山岐女堪笑傲北海尊罍且

追陪鳳池歸去那更重來

又

是處小街斜巷爛遊花館連醉瑤卮選得芳容
端麗冠絕吳姬絳唇輕笑歌盡雅蓮步穩舉攢
皆奇出屏幃倚風情態約素腰肢當時綺羅
叢裏知名雖久識面何遲見了千花萬柳比並
不如伊未同歡寸心暗許欲話別纖手重攜結
前期美人才子合是相知

又

誤入平康小巷。画簷深處。朱箔微褰。羅綺叢中。
偶認舊識。嬋娟。翠眉開。嬌橫遠岫。綠鬢輕彈。濃染
春煙。憶情牽粉牆。曾恁窺宋。三年遷延。珊瑚
筵上。親持犀筯。旋疊香牋。要索新詞。殢人含笑。
立尊前。按新聲。珠喉漸穩。想舊意。波臉增妍。苦
畱連。鳳衾鴛枕。忍負良天。

又

樂章集

汲古閣

淡蕩素商行算遠空雨歇平野煙收滿目江山
堪助楚客冥搜素光動雲濤漲晚紫翠冷霜巘
橫秋景清幽渚蘭香謝汀樹紅愁良儔西風
吹帽東籬攜酒共結歡遊淺酌低吟坐中俱是
飲家流對殘暉登臨休歎賞令節酩酊方酬且
相畱眼前尤物盞裏忘憂

滿江紅

川稿

暮雨初收長川靜征帆夜落臨島嶼蓼煙疎淡

葦風蕭索幾許漁人飛短艇盡將燈火歸村落
遣行客當此念回程傷漂泊 桐江好煙漠漠
波似染山如削遶嚴陵灘畔鷺飛魚躍遊宦區
區成底事平生況有雲泉約歸去來一曲仲宣
吟從軍樂

又

訪雨尋雲無非是奇容豔色就中有天真妖麗
自然標格惡發姿顏歡喜面細追想處皆堪惜

自別後幽怨與閒愁成堆積
鱗鴻阻無信息
魂夢斷難尋覓
儘思量休又怎生休得
誰恁多情
憑向道總來相見
且相憶
便不成長遣似如今
輕拋擲

又

萬恨千愁將年少
衷腸牽繫殘夢斷
酒醒孤館
夜長滋味可憐
許枕前多少意
到如今
兩總無
終始
獨自箇
贏得不成眠
成憔悴
添傷感

何計空只恁厭厭地無人處思量幾度垂淚不
會得都來些子事甚恁底死難拚棄待到頭終
久問伊著如何是

洞仙歌

藥興閒泛蘭舟渺渺煙波東去淑氣散幽香滿
蕙蘭江渚綠蕪平畹和風輕暖曲岸垂楊隱隱
隔桃花塢芳樹外閃閃酒旗遙舉羈旅漸入
三吳風景水村漁浦閒思更遶神京拋擲幽會

樂章集

汲古閣

小歡何處不堪獨倚危樓凝情西望日邊繁華
地歸程阻空自歎當時言約無據傷心最苦竚
立對碧雲將暮關河遠怎奈向此時情緒

引駕行

紅塵紫陌斜陽暮艸長安道是誰人斷魂處迢
迢匹馬西征新晴韶光明媚輕煙淡薄和氣暖
望花村路隱映搖鞭時過長亭愁生傷鳳城仙
子別來千里重行行又記得臨岐淚眼溼蓮臉

盈盈銷凝 花朝月夕最苦冷落銀屏想媚容
耿耿無限屈指已算回程相縈空萬般思憶爭
如歸去覩傾城向繡幃深處竝枕說如此牽情

望遠行

冬雪

長空降瑞寒風剪淅淅瑤華初下亂飄僧舍密
灑歌樓迤邐漸迷鴛瓦好是漁人披得一蓑歸
去江上晚來堪画滿長安高却旗亭酒價 幽
雅樂興最宜訪戴泛小棹越溪瀟灑皓鶴奪鮮

白鵞失素千里廣鋪寒野須信幽蘭歌斷同雲
收盡別有瑤臺瓊榭放一輪明月交光清夜

八聲甘州

對蕭蕭暮雨灑江天一番洗清秋漸霜風淒緊
關河冷落殘照當樓是處紅衰綠減冉冉物華
休惟有長江水無語東流不忍登高臨遠望
故鄉渺邈歸思難收歎年來蹤跡何事苦淹留
想佳人妝樓顙望誤幾回天際識歸舟爭知我

倚闌干處正恁凝眸

臨江仙

夢覺小庭院冷風淅淅疎雨瀟瀟綺窗外秋聲
敗葉狂飄心搖奈寒漏永孤幃悄淚燭空燒無
端處是繡衾鴛枕間過清宵蕭條牽情繫恨
爭向年少偏饒覺新來憔悴舊日風標魂銷念
歡娛事煙波阻後約方遙還經歲問怎生禁得
如許無聊

竹馬子

登孤壘荒涼危亭曠望靜臨煙渚對雌霓掛雨
雄風拂檻微收煩暑一葉驚秋殘蟬噪晚素
商時序覽景想前歡指神京非霧非煙深處
向此成追感新愁易積故人難聚憑高盡日凝
眸贏得銷魂無語極目霽靄霏微鴉零亂蕭
索江城暮南樓画角又逐殘陽去

望海潮

東南形勝三吳都會錢塘自古繁華煙柳画橋
風簾翠幙參差十萬人家雲樹遶堤沙怒濤捲
霜雪天塹無涯市列珠璣戶盈羅綺競豪奢
重湖疊巘清嘉有三秋桂子十里荷花羌管弄
晴菱歌汎夜嬉嬉釣叟蓮娃千騎擁高牙棹醉
聽簫鼓吟賞煙霞興日圖將好景歸去鳳池誇

小鎮西

意中有箇人芳顏二八天然峭自來妍黠最奇

絕是笑時媚態深深百態千嬌再三偎着再三
香滑久離缺夜來魂夢裏尤花殢雪分明似
舊家時節正歡悅被雞聲喚起一場寂寞無眠
向曉空有半窗殘月

小鎮西犯

水鄉初禁火青春未老芳菲滿柳汀煙島波際
紅幃縹緲盡盃盤小歌祓祓禊聲聲諧楚詞路
遶遶野橋新市裏花穠妓好引遊人競來歡

笑酩酊誰家年少信玉山倒家何處落日眠芳
艸

迷神引

一葉扁舟輕帆捲暫泊楚江南岸孤城暮角引
胡笳怨水茫茫平沙雁旋驚散煙斂寒林簇畫
屏展天際遙山小黛眉淺舊賞輕拋到此成
遊宦覺客程勞年光晚異鄉風物忍瀟索當愁
眼帝城賒秦樓阻旅魂亂芳艸連空濶殘照滿

佳人無消息斷雲遠

促拍滿路花

香靨融春雪翠鬟輕秋煙楚腰纖細正鳳
幃夜短偏愛日高眠起來貪顛俊只恁殘却黛
眉不整花鈿有時攜手閒坐偎倚綠窗前溫
柔情態儘人憐画堂春過悄悄落花天長是嬌
癡處尤帶檀郎未教拆了鞦韆

六么令

澹煙殘照搖曳溪光碧溪邊殘桃深杏迤邐染
春色昨夜扁舟泊處枕展當灘磧波聲漁笛驚
回好夢夢裏欲歸歸不得展轉翻成無寐因
此傷行役思念多媚多嬌咫尺千山隔都爲深
情密愛不忍輕離拆好天良夕鴛帷寂靜算得
也應暗思憶

剔銀燈

何事春工用意繡画出萬紅千翠豔杏夭桃垂

揚芳艸各鬪雨
香煙膩如斯
佳致早晚是讀書
天氣
漸漸閨林明媚
便好安排歡計
論簾買
花盈車載酒百
琲千金邀妓何
妨沉醉有人伴
日高春睡

紅窗睡

如削肌膚紅玉瑩
峰舉搯有許多端正
二年三歲同鴛寢
表溫柔心性
別後無非良夜永
如
何向名牽利役
歸期未定
算伊心裏却
冤人薄

倖

臨江仙

鳴珂碎撼都門曉
旌幢擁下天人馬
搖金轡破
香塵壺漿盈路
歡動帝城春
揚州曾是追遊
地
酒臺花徑仍存
鳳簫依舊月中聞
荆王魂散
應認嶺頭雲

鳳歸雲

向深秋雨餘爽氣肅
西郊陌上夜闌襟袖起涼

颺天 殘星流電未滅閃閃隔林梢又是曉雞
聲斷陽烏光動漸分山路迢迢 驅驅行役再
再光陰蠅頭利祿蝸角功名畢竟成何事謾相
高拋擲雲泉狎翫塵土壯節等閒銷幸有五湖
煙浪一船風月會須歸老漁樵

女冠子

淡煙飄薄鶯花謝清和院落樹陰翠密葉成幄
麥秋霽景夏雲忽變奇峰倚寥廓波暖銀塘漲

新萍綠魚躍想端憂多暇陳王是日嫩苔生閣
正鑠石天高流金晝永楚榭風光轉蕙披襟
處波翻翠幙以文會友沉李浮瓜忍輕諾別館
清閒避炎蒸豈須河朔但尊前隨分雅歌豔舞
盡成歡樂

玉山枕

驟雨新霽蕩原野清如洗斷霞散彩殘陽倒影
天外雲峯數朶相倚露莎煙芰滿池塘見次第

幾番紅翠當是時河朔飛觴避炎蒸想風流堪
繼晚來高樹清風起動簾幙生秋氣西樓畫
寂蘭堂夜靜舞豔歌姝漸任羅綺訟閒時泰足
風情便爭奈雅歌都廢省教成幾闕新歌盡新
聲好尊前重里

減字木蘭花

花心柳眼郎似遊絲常惹絆獨爲誰憐繡線金
針不喜穿深房密讌爭向好天多聚散綠鎖

窗前幾日□□廢管絃

玉樓春

一刻蘇子瞻

有箇人人真堪羨問却佯羞回却面你若無意
向咱行爲甚夢中頻相見不如聞早還却願
免使牽人魂夢亂風流腸肚不堅牢只恐被伊
牽惹斷

甘州令

凍雲深淑氣淺寒欺綠野輕雪伴早梅飄謝豔

樂章集

六十七

游古閣

陽天正明媚却成蕭灑玉人歌面樓酒對此早
驟增高價賣花巷陌放燈臺榭好時代怎生
輕捨賴和風蕩霽霽廓清良夜玉塵鋪桂莖滿
素光裏更堪遊冶

西施

苧蘿妖豔世難善媚悅君懷後庭恃愛寵盡
使絕嫌猜正恁朝歡暮宴情未足早江上兵來
捧心調態軍前死羅綺旋變塵埃至今想怨

魂無主尚徘徊夜夜姑蘇城外當時月但空照
荒臺

河轉

翠深紅淺愁娥黛蹙嬌波刀剪奇容妙妓互逞
舞裊歌扇妝光生粉面坐中醉客風流慣尊
前見特地驚狂眼不似少年時節千金爭選相
逢何太晚

又

淮岸向晚圓荷向背芙蓉深淺仙娥画舸露清
江芳交亂難分花與面采多漸覺輕船滿呼
歸伴急槳煙波遠隱隱棹歌漸被蒹葭遮斷曲
終人不見

黃鍾調

傾盃

水鄉天氣灑蒹葭露結寒生早客館更堪秋杪
空堦下木葉飄零颯颯聲乾狂風亂掃當無緒

人靜酒初醒天上征鴻知送誰家歸信穿雲悲
叫蛩響幽窗風窺寒硯一點銀缸閒照夢枕頻
驚愁衾半擁萬里歸心悄悄往事追思多少羸
得空使方寸撓斷不成眠此夜厭厭就中難曉

大石調

傾盃

金風淡蕩漸秋光老清宵永小院新晴天氣輕
煙乍歛皓月當軒練淨對千里寒光念幽期阻

當殘景早是多愁多病那堪細把舊約前歡重
省最苦碧雲信斷僊鄉路杳歸鴻難倩每高歌
強遣離懷奈慘咽翻成心耿耿漏殘露冷空羸
得悄悄無言愁緒終難整又是立盡梧桐清影
般沙調

寒孤

一聲雞又報殘更歇秣馬巾車催發艸艸主人
燈下別山路險新霜滑瑤珂響起棲烏金轡冷

敲殘月漸西風緊襟袖淒裂遙指白玉京望斷
黃金闕遠道何時行徹算得佳人凝恨切應念
念歸時節相見了執柔荑幽會處俚香雪免鴛
衾兩恁虛設

瑞鷓鴣

天將奇豔與寒梅乍驚繁杏臘前開暗想花神
巧作江南信鮮染胭脂細剪裁壽陽妝罷無
端飲凌晨酒入香腮恨聽煙塢深中誰恁吹羌

笛逐風來絳雪紛紛落翠苔

又

三吳嘉景古風流
渭南往歲憶來遊
西子方來越相巧
成去千里滄波一葉舟
至今無限盈盈者
盡來拾翠芳洲
最好簇簇寒竹遙
認南朝画晚煙收
三兩人家古渡頭

洞仙歌

嘉景況少年彼此爭
不雨沾雲惹奈傳粉英俊

夢蘭品雅金絲帳暖銀屏亞竝燦枕輕倚綠嬌
紅姹算一笑百琲明珠非價閒暇 每只向洞
房深處痛憐極寵似覺些子輕孤早恁背人沾
灑從來嬌縱多猜訝更對剪香雲深要深心同
寫愛印了雙眉索人重画忍負豔冶斷不等閒
輕捨鴛衾下願常恁好天良夜

安公子

遠岸收殘雨雨殘稍覺江天暮拾翠汀洲人寂

靜立雙雙鷗鷺幾點漁燈掩映蒹葭浦停画
橈兩兩舟人語道去程今夜搖指前村煙樹
遊宦成羈旅短檣吟倚閒凝竚萬水千山迷遠
近想鄉關何處自別後風亭月榭孤歡聚剛斷
腸惹得離情苦聽杜宇聲聲勸人不如歸去

又

夢覺清宵半悄然屈指聽銀箭惟有牀前殘淚
燭啼紅相伴暗惹起雲愁雨恨情何限從臥來

展轉千餘遍任數重鴛被怎向孤眠不暖堪
恨還堪歎當初不合輕分散及至厭厭獨自箇
却眼穿腸斷似恁地深情密愛如何拚雖後約
的有于飛願奈片時難過怎得如今便見

林鍾商

玉樓春

杏花

剪裁用盡春工意淺蘸朝霞千萬藥天然淡泞
好精神洗盡嚴粧方見媚風亭月榭間相倚

紫玉枝梢紅臘帶
假饒花落未銷愁
煮酒盃盤催結子

又海棠

東風催露千嬌面
欲綻紅深開處淺
日高梳洗甚時歡
點滴胭脂勻未徧
霏微雨罷殘陽院
洗出都城新錦段
美人纖手摘芳枝
插在釵頭和鳳顫

又柳枝

黃金萬縷風牽細寒食初頭春有味殢煙尤雨
索春饒一日三眠誇得意章街隋岸歡遊地
高拂樓臺低映水楚王空待學風流餓損宮腰
終不似

傾盃樂

水調

樓鎖輕煙水橫斜照遙山半隱愁碧片帆岸遠
行客路杳簇一天寒色楚梅映雪數枝豔報青
春消息年華夢促音信斷聲遠飛鴻南北算

伊別來無緒翠銷紅減雙帶長拋擲但淚眼沉
迷看朱成碧惹閒愁堆積雨意雲心酒情花態
辜負高陽客

祭天神

歇指調

憶繡衾相向輕輕語屏山掩紅蠟長明金獸盛
燠蘭炷何期到此酒態花情頓辜負愁腸斷還
是黃昏那更滿庭風雨聽空堦和漏碎聲鬪滴
愁眉聚算伊還共誰人爭知此冤苦念千里煙

波迢迢前約舊歡省一向無心緒

瑞鷓鴣 平調

吹破殘煙入夜風一軒明月上簾櫳因驚路遠
人還遠縱得心同寢未同情脉脉意沖沖碧
雲歸去認無蹤只應曾向前生裏愛把鴛鴦兩
處籠

訴衷情 林鍾商

一聲画角日西曛催促掩朱門不堪更倚木闌

腸斷已銷魂
年漸晚
雁空頻問無因思
心欲碎
愁淚難收又是黃昏

歸去來

中呂調

一夜狂風雨
花英墜
碎紅無數垂楊謾結黃金
縷
儘春殘
縈不住
蝶稀蜂散知何處
殢尊酒
轉添愁緒
多情不慣相思苦
休惆悵
好歸去

梁州令

中呂宮

夢覺紗窗曉
殘燈掩
然空照
因思人事苦
縈牽

離愁別恨無限何時了憐深定是心腸小往往
成煩惱一生惆悵情多感月不長圓春色易爲
老

中呂調

燕歸梁

輕躡羅鞋掩絳紗傳音耗若相招語聲猶顫不
成嬌乍得見兩魂銷 怱怱草草難畱戀還歸
去又無聊若諧雨夕與雲朝得似箇有囂囂

夜半樂

豔陽天氣煙細風暖芳草郊燈明開凝眸漸收
點亭臺參差佳樹舞腰困力垂楊綠映淺桃穠
李天天嫩紅光數度綺燕流鶯鬪雙語翠娥南
陌簇簇躡影紅陰緩移嬌步攬粉面韶容花光
相妒絳綃袖舉雲鬟風顫半遮檀口含羞背人
偷顧競鬪草金歛笑爭睹對此嘉景頓覺銷凝
惹成愁緒念解珮輕盈在何處忍良時辜負少

年等閒度空望極回首斜陽莫嘆浪萍風梗如
何去

越調

清平樂

繁華錦爛已恨歸期晚翠減紅稀鶯似嬾那特
地柔腸斷不堪尊酒頻傾惱人轉轉愁生□
□□□□多情爭似無情

中呂調

迷神引

紅板橋頭秋光暮
淡月映煙方照寒溪蘸碧遶
垂楊路重分飛攜纖手淚如雨波急隋堤遠片
颿舉倏忽年華改尙期阻
暗覺春殘漸漸飄
花絮好夕良天長辜負洞房閒掩小屏空無心
覷指歸雲仙鄉杳在何處
遙夜香衾暝算難與
知他深深約記得

耆卿初名三變後更名永官至屯田員外郎

世諦柳屯田所製樂章音調諧婉尤于羈
旅悲怨之辭固惟淫靡之語東坡指出霜
風淒紫闌河冷落殘照當樓謂唐人佳處
不過如此一日東坡問一優人曰吾詞何如柳
耆卿對曰柳屯田宜十七六女郎按紅牙拍
唱楊柳岸曉風殘月學士詞須銅將軍鐵
綽板唱大江東去言外褒彈優人固是解
人古虞毛晉記

樂章集

終